

## 18. gr.

Fyrirferðarmiklum en brennanlegum úrgangi, svo sem umbúðum og því um líku skulu forráðamenn heimila og atvinnurekstrar koma á sorphreinsunartæki, þegar sorphreinsun fer fram, eða í sorphaugsstað skv. fyrir mælum sveitarstjórnar.

## 19. gr.

Kostnaður við almenna sorphreinsun og sorpeyðingu greiðist úr sveitarsjóði. Sveitarstjórn er þó heimilt að innheimta með fasteignagjöldum hvers árs áætlað kostnaðarverð þeirra sorppoka, sem viðkomandi fasteign eyðir á árinu.

## 20. gr.

Brot gegn samþykkt þessari varðar sektum allt að kr. 100 000.00 nema þyngri reising liggir við að lögum. Með brot á samþykktinni skal farið að hætti opinberra mála.

## 21. gr.

Ofangreind samþykkt hreppsnefndar Hólmavíkurhrepps, staðfestist hér með, samkvæmt lögum nr. 12/1969 um hollustuhætti og heilbrigðiseftirlit til þess að öðlast þegar í stað og birtist til eftirbreytni öllum þeim, sem hlut eiga að máli.

*Heilbrigðis- og tryggingamálaráðuneytið 24. mars 1975.*

F. h. r.

**Jón Ingimarsson.**

*Þórunn Klemenzdóttir.*

## AUGLÝSING

### um friðland á Hornströndum.

Samkvæmt heimild í 24. gr. laga nr. 47/1971 um náttúruvernd hefur Náttúruverndarráð fyrir sitt leyti ákveðið að friðlýsa svæðið norðvestan Skorarheiðar í Norður-Ísafjarðarsýslu, og er það friðland.

Mörk svæðisins eru þessi:

Úr botni Hrafnarfjarðar um Skorarheiði í botn Furufjarðar, lína um Skorarlæk frá ósi í Skorarvatn og meðfram suðurströnd vatnsins, en síðan bein lína úr austasta hluta vatnsins í þá kvísl, við upptök, sem næst gengur vatninu og fellur í Furufjarðarós, ásamt 200 m breiðri spildu þar suður af.

Reglur þessar gildi um svæðið:

1. Mannvirkjagerð öll, jarðrask og önnur breyting á landi, svo og undan landi allt að 60 föðmum (115 m) frá stórstraumsfjörumáli, er háð leyfi Náttúruverndarráðs.
2. Umferð vélknúinna farartækja á landi utan vega og merktra slóða er bönnuð, nema með leyfi Náttúruverndarráðs.
3. Leyfi landeiganda, sem í hlut á, þarf til allra veiða, eggjatöku og annarra hlunnindanytja á svæðinu. Leyfi Náttúruverndarráðs þarf ef eigi er um að ræða bundnar nytjar, svo sem viðhald túna og garða.

4. Heimilt er að ganga um svæðið og fara um það með hesta. Þó er skylt að ganga þannig um, að ekki sé spilt gróðri, dýralífi, mínjum, mannvirkjum né öðrum verðmælum. Náttúruverndarráð setur nánari reglur viðvikjandi umferð um hið friðlýsta svæði.
  5. Náttúruverndarráð og aðrar stofnanir, sem í hlut eiga, skulu stuðla að vernd menningarminja, gera greiðfærar gamlar götur og viðhalda vörðum.
  6. Bannað er að beita búpeningi á friðlandið. Þó tekur þetta ekki til hesta þeirra, sem ferðast um landið, meðan á ferð þeirra stendur.
  7. Náttúruverndarráð setur nánari reglur um afnot landeigenda af eignum sínum á hinu friðlýsta svæði.
  8. Náttúruverndarráð hefur samráð við Landeigendafélag Sléttu- og Grunnavíkurhrepps um nánari framkvæmd á reglum þessum.
- Til undanþágu frá reglum þessum þarf leyfi Náttúruverndarráðs eða þess, sem fer með umboð ráðsins.
- Um viðurlög vegna brota á reglum þessum fer eftir ákvæðum náttúruverndarlaga.
- Ráðuneytið er samþykkt friðlýsingunni og tekur hún gildi við birtingu þessarar auglýsingar í Stjórnariðindum.

*Menntamálaráðuneytið 27. febrúar 1975.*

**Vilhjálmur Hjálmarsson.**

*Knútur Hallsson.*

25. mars 1975.

Nr. 95.

## AUGLÝSING

um staðfestingu sjávarútvegsráðuneytisins á verðgrundvelli á frystri rækju fyrir framleiðslutímabilið 18. febrúar til 31. maí 1975.

Með skirskotum til laga nr. 72 28. maí 1969, um Verðjöfnunarsjóð fiskiðnaðarins og samkvæmi tillögum stjórnar Verðjöfnunarsjóðs fiskiðnaðarins, vill ráðuneytið hér með staðfesta eftirfarandi verðgrundvöll á frystri rækju fyrir framleiðslutímabilið 18. febrúar til 31. maí 1975:

Vélskelflett rækja.	Ísl. kr. á lb. Cif.
1. 10×4×1 lb. blokkfryst .....	308.20
2. 24×1 .....	321.30
3. 24×450 gr. sérfryst .....	321.30
4. 6×2 kg. 5×2 kg. og 4×2 kg. sérfryst .....	321.30
5. 4×2,5 kg. sérfryst .....	321.30
6. 2×5 kg. sérfryst .....	321.30
7. 4×7 kg. sérfryst .....	321.30
8. 1×25 lbs. sérfryst .....	321.30
9. 15×200 gr. sérfryst .....	326.70
10. Í saltlegi .....	308.20

Verðbil verður ekkert.

Greiðslur í sjóðinn miðast við 62,5% af verðbreytingu frá grundvallarverði

*Sjávarútvegsráðuneytið, 25. mars 1975.*

**F. h. r.**

**Jón L. Arnalds.**

*Þórður Ásgeirsson.*